



TURKISTAN
janubiy.kz

Жанубий Қозоғистон

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2025 йил 22 февраль, шанба, №21 (3522).

ХАЛҚАРО ҲАМКОРЛИК ДОИРАСИ КЕНГАЙМОҚДА

ҚР Президенти Қасим-Жумарт Тўқаев расмий ташриф билан Иордания Ҳошимийлар Қироллигига борди.

Қизғин музокаралар якунида Қозоғистон Республикаси Президенти Қасим-Жумарт Тўқаев ва Иордания Ҳошимийлар Қироллиги Қироли Абдулла ибн Ал-Хусайн II қўшма баёнот қабул қилди.

Шунингдек, Давлат раҳбарлари иштирокида куйидаги ҳужжатлар имзоланди:

1. Қозоғистон Республикаси Хукумати ва Иордания Ҳошимийлар Қироллиги Хукумати ўртасида саноат кооперацияси масалалари бўйича ўзаро англашув меморандуми;

2. Қозоғистон Республикаси Энергетика вазирлиги ва Иордания Ҳошимийлар Қироллигининг Атом энергияси бўйича комиссияси ўртасида атом энергиясидан тинч мақсадларда фойдаланиш соҳасидаги ҳамкорлик тўғрисидаги англашув меморандуми;

3. Қозоғистон Республикаси Миллий иқтисодиёт вазирлиги ва Иордания Ҳошимийлар Қироллиги Саноат, савдо ва таъминот вазирлиги ўртасида ўзаро англашув ва ҳамкорлик тўғрисидаги меморандум;



4. "Самурық-Қазына" Миллий компанияси ХЖ ва Иордания Ҳошимийлар Қироллиги Сармоялар вазирлиги ўртасида ҳамкорлик тўғрисидаги битим;

5. "Қозоғистон Республикаси Президентининг Телерадиомажмуаси" республика давлат корхонаси ва Иордания радио ва телевидение корпорацияси (Jordan

Radio and Television Corporation) ўртасида ўзаро англашув ва ҳамкорлик тўғрисидаги меморандум.

Шунингдек, Давлат раҳбарининг Иорданияга расмий ташрифи доирасида 10та идоралараро ва тижорат ҳужжатлари имзоланди.

Учрашув якунида Давлат раҳбари Абдулла ибн Ал-Хусайн

IIни "Алтын Қыран" ордени билан тақдирлади.

Сўнг Президент Қасим-Жумарт Тўқаев расмий ташриф доирасида Иордания музейига борди.

Akorda.kz.
маълумотлари асосида.



ПРЕЗИДЕНТ ҲУКУМАТГА ТОПШИРИҚ БЕРДИ

Давлат раҳбари Улитау вилоятидаги "Қазақмыс" корпорацияси конида юз берган фожиа муносабати билан меҳнат хавфсизлиги соҳасида қатъий риоя қилиниши лозим бўлган шартларга эътибор қаратди.

"Тасдиқланган талабларнинг кўпол бузилиши ҳолатлари мавжуд. Иншоотларни саноат хавфсизлиги тизимлари билан жиҳозлаш даражаси жуда паст. Компаниялар меҳнат хавфсизлигини таъминлашга қаратилган лойиҳаларга етарли даражада сармоя киритмаяпти. Буларнинг барчаси техноген бахтсиз ҳодисалар, ишчиларнинг ўлими ва жароҳатланишига олиб келади", дейилади хабарда.

Президент Ҳукуматга хавфли ишлаб чиқариш иншоотларида меҳнат қилаётган фуқароларнинг хавфсизлигини таъминлаш юзасидан куйидаги чора-тадбирларни кўришни топширди:

- иншоотларда саноат хавфсизлиги андазаларига мувофиқлигини аниқлаш мақсадида тафтиш ўтказиш;

- ушбу иншоотларда замонавий хавфсизлик тизимини жорий этиш;

- иншоотларни автоматлаштирилган тахминлаш ва хабар бериш тизимини жорий этган ҳолда рақамлаштириш;

- тафтиш натижаларига кўра ер қаъридан фойдаланувчиларнинг иш дастурларига тузатишлар киритиш ва замонавий саноат хавфсизлиги тизимига сармоялар ҳажмини ошириш йўллари кўриб чиқиш;

- саноат хавфсизлиги соҳасида тафтиш ва назорат дастакларини кучайтириш.

Давлат раҳбарининг мазкур топшириқлари Президент Маъмуриятининг алоҳида назоратида.

Akorda.kz.
маълумотлари асосида.

»» «Жанубий Қозоғистон» тақвими

ТАРИХНИНГ ШОНЛИ САҲИФАЛАРИ

**ҚОЗОҚ ХОНЛИГИ ТАШКИЛ
ТОПГАНИГА – 560 ЙИЛ**

1465 йилда Керей ва Жанибек хонлар Қозоқ хонлигига асос солди. Бу тарихий воқеа кейинги асрларда қозоқ халқининг бирлашишига, давлатчиликнинг мустақамланишига, ҳудудий яхлитлигига, кўп асрлик маданиятнинг тараққиётига этишга йўл очди. Бу ҳақда Муҳаммад Хайдар Дулатийнинг "Тарих-и Рашидий" асарига батафсил баён этилган.



Қозоқ хонлиги тарихий йўлида оғир ва таҳдидларга тўла йиллар ва асрларни бошидан кечирди. Қасим хоннинг "Нурли йўл"и, Есим хоннинг "Эски йўл"и, Тауке хоннинг "Етти Қомус"и – буларнинг барчаси халқнинг хотирасида. Халқ жунгор босқинчилиги йилларини, ХХ асрнинг биринчи ярмидаги очарчиликни, Сталин давридаги сиёсий қатағонни, Улуг Ватан урушини бошидан кечирди. 1991 йилда эса жаҳон харитасида Қозоғистон Республикаси пайдо бўлди.

Албатта, халқимиз тарихи Қозоқ хонлиги пайдо бўлганидан анча олдин бошланади. Ва шунга қарамай, Қозоқ хонлигининг ташкил топиши ва қозоқ давлатчилигининг шаклланиши, ўз ахамиятига кўра, халқ тарихидаги энг муҳим даврлардан бири ҳисобланади.

**KAZINFORM АГЕНТЛИГИ
ТАШКИЛ ТОПГАНИГА – 105 ЙИЛ**

2025 йилда мамлакатдаги энг қадимий медиа захиралардан бири – Kazinform халқаро ахборот агентлигининг 105 йиллигини нишонлайди. Бир асрдан кўпроқ вақт давомида агентлик сиёсат, иқтисодиёт, соғлиқни сақлаш, спорт, маданият ва жамият ҳаётига оид маълумотлар манбаи сифатида ўз нуфузини мукамал сақлаб келмоқда.

Биринчи қозоқ ахборот агентлиги 1920 йилда Оренбургдаги РОСТАнинг Оренбург-Турғай бўлими негизда очилган. 1925 йилда агентлик номи КазРОСТга ўзгартирилди. 1937 йилда "КазТАГ" номи билан агентлик Қозоғистон ССР Вазирлар Кенгашининг тасаруфига ўтказилди. Олтмиш йил ўтгач, 1997 йил 10 сентябрда "Қозоғистон ахборот агентлиги" ("ҚазАА") республика давлат корхонаси ташкил этилди. 2014 йил январь ойида Kazinform мамлакатдаги биринчи халқаро ахборот агентлиги мақомини олди. 2022 йилда агентлик Қозоғистон Республикаси Президентининг телерадиомажмуаси таркибига киритилди.

Kazinform ахборот агентлиги қозоқ, рус, инглиз, хитой ва ўзбек тилларида хабар тарқатади. Бундан ташқари, хориждаги ватандошлар учун лотин ва араб алифбосида янгиликлар бериб боришмоқда. Агентлик идораси Астана шаҳрида жойлашган бўлиб, барча вилоятларда ўз мухбирлари фаолият юритмоқда. Россия, Хитой, Туркия, Европа, Озарбайжон, Ўзбекистон, Қирғизистон ва Иорданияда мухбирлари бор. Бу мамлакатда ва дунёда содир бўлаётган воқеалар ҳақида ишончли маълумотларни тезкорлик билан тарқатиш имконини беради.

(Давоми бор).

»» Вилоят ҳокимлигида

МАҚСАД – ИШСИЗЛИККА БАРҲАМ БЕРИШ

Вилоят ҳокими Нуралхан Кўшерев раислигида Минтақавий сармоявий штабнинг навбатдаги йиғилиши ўтди. Тадбирда вилоятда амалга оширилаётган сармоявий лойиҳаларининг ижроси ва сармоявий ташаббусларнинг истиқболи муҳокама қилинди. Муаммолар очик айтилиб, туман ва шаҳар ҳокимлари, мутасадди идоралар раҳбарлари ва сармоядорларга аниқ топшириқлар берилди.

– Биз сармоядор ва тадбиркорларни қўллаб-қувватлашга домим тайёригимиз. Бироқ, ер олиш ва лойиҳалар ижросини кечиктириш каби камчиликларга йўл қўйилмаслиги керак. Мутасадди бошқармалар, маҳаллий ҳокимликлар сармоядорлар билан яқиндан ҳамкорлик қилиб, лойиҳалар ижросини ўз вақтида таъминлаши керак, – деди Нуралхан Кўшерев.

Тадбирда сўз олган нотиклар Сўзоқ туманида учта лойиҳа амалга оширилгач, 1000дан ортиқ иш ўрни яратилишини, Кен-

тов шаҳрида 2026 йилда ишга тушириладиган завод 1500 киши иш билан таъминлашни таъкидладилар.

Тулқибоз, Қазигурт, Байдибек, Тўлебей туманлари ва Арис шаҳрида амалга оширилаётган лойиҳаларни инфратузилма билан таъминлаш масалалари ҳам кўриб чиқилиб, мутасадди раҳбарларга тегишли топшириқлар берилди.

Қайд этиш жоизки, ўтган йили вилоятимизда саноатни ривожлантириш ва қишлоқ хўжалиги маҳсулотларини чуқур қайта иш-

лашга йўналтирилган 145та сармоявий лойиҳа ишлаб чиқилди. Вилоятда янги заводлар очиш, иш ўринларини кўпайтириш борасида ишлар давом этмоқда.

– Президент жорий йилни «Ишчи касблари йили» деб эълон қилди. "Меҳнатнинг тури кўп. Кимдир ақлий фаолият билан шугулланиб даромад топса, бошқа биров жисмоний меҳнат ортидан оила тебратлади. Ҳар қайси меҳнат ҳам машаққатли ва албатта, ҳалол, тер тўкиб топилган нон уйга барака бўлиб қиради. Муҳими, инсон ишсиз,

даромадсиз қолмасин, тўрт мучаси соғ бўла туриб, бошқаларга боқиманда бўлмасин", деди у ёшлар билан учрашувда. Бугун муҳокама қилинган сармоявий лойиҳалар маҳаллий ишбилармонларимизга кўмак бериш орқали аҳоли бандлигини таъминлашга қаратилган. Чунончи, мамлакатимизда тадбиркорлар қанча кўп бўлса, уларнинг эркин ишлаши учун кенг шароитлар яратилса, шунча кўп одам иш билан таъминланади.

Вилоят ҳокимининг
матбуот хизмати.

ИЛМИЙ ҲАМКОРЛИК ЯНГИ БОСҚИЧДА

ҚР Парламенти Сенатининг мажлисида "Қозоғистон ва Туркия Ҳукуматлари ўртасида ўсимликлар карантини ва уларни муҳофаза қилиш соҳасидаги ҳамкорлик тўғрисидаги битимни ратификация қилиш ҳақида"ги Қонун маъқулланди.

Битимдан кўзланган асосий мақсад – фитосанитария хавфсизлигини таъминлаш, икки давлат ҳудудида ўсимликлар карантини ва муҳофазаси соҳасида икки томонлама ҳамкорлиқни ривожлантиришдан иборат.

– Ўсимликлар карантини бўйича халқаро ҳамкорлик ҳар

икки давлатнинг фитосанитария хавфсизлигини таъминлашда муҳим аҳамиятга эга. Ушбу Битим карантин чораларини такомиллаштириш ва ўзаро муносабатларни ривожлантириш масалаларини ўз ичига олади. Бундан ташқари, Битимда импорт қилинадиган маҳсулотларга қўйи-

ладиган талаблар белгиланган, – деди сенатор Ернур Айтқенов.

Унинг сўзларига кўра, сўнгги уч йилда Қозоғистондан Туркияга 700 минг тонна қишлоқ хўжалик маҳсулотлари экспорт қилинган, Туркиядан эса 40 минг тоннага яқин маҳсулот импорт қилинган. Барча маҳсулотлар фитосанитария назоратидан ўтказилмоқда.

Ўз навбатида, сенатор Султан Дуйсембинов Туркия Қозоғистоннинг бешта йирик савдо ҳамкорларидан бири эканлигини таъкидлади. Бундан ташқари, у энг яхши 10 сармоядор қаторига



киради. Ўтган йили икки давлат ўртасидаги товар айирбошлаш ҳажми 6 миллиард доллар, экспорт ҳажми 3,6 миллиард доллар, Туркиядан импорт қилинган маҳсулотлар қиймати эса 2 миллиард долларни ташкил этди.

24.kz. маълумотлари асосида.

